

## Max&Moritz, 12j.



### suechet zäme äs Daheime i Wohnigshautig

Sali zäme

Mir sy Max&Moritz, sy am Fruschtässe u ganz truurig, wiu mir es nöiies Daheime sueche muesse. Warum? Üses liebs Froueli het is Pflägheim müesse zügge, sy cha üs nüm versorge. U sy het üs leidr nid dörfe mitnä. D'Familie tät üs gärn bhaute, abr es geit nit mi ihrene Chatze. Mir werde itze no i üseri Wohnig versorget, abr das geit natürlech nit uf Duur. Drum!

Mir sy 12jährig, kaschtriert u gimpft, gsung u schtuberein. Zwöi ganz liebe Buebe, gar nid so fräch, wie üse Namensgäber vo däm Wilhelm Busch. Im Gägeteu: mir schtäue nüt ah u chönne üs benäh, sy ganz lieb u chratze u biisse nie. Bi üsem Froueli sy mir sähr aahänglech u verschmuest gsi. Abr bi Frömde bruuche mir es bitzeli zum Uftoue, mir sy scho e weng schüech. Aafangs! Abr we mir Di ha dörfe chennelehre, denn wird das mit üs u mir lönt üs gärn schtriichele. Mir chenne u wöntt nur Wohnig, abr e gsicherete Baukon, das muess sy, zum Sünnele u Vögeli luege. Chliini Ching u angeri Chatze wöntt mir nid diehei, die schträsse üs nur. E liebe Hung chöntt gah, muess abr ou nid sy. Grösseri Ching so ab 10i, das wär scho eher öppis, mit dene chönnte mir ou schpiue.

Mir wöntt unbedingt zäme bliibe, mir möge üs sähr. Du siesch es ja, mir ässe sogar schtereol! Nid ohni dr anger, das isch üses Motto. Mir wünsche üs drum es Daheime bi ganz liebe, geduudigi Lüüt, so liebi, wie üses Froueli eis isch. Hesch Du en ruhige Huuhaut u viu Ziit? Ziit für üs u üseri Schtriicheleiheite? Auso nid dr ganz Tag wäg? Dänksch Du ou, dass schwarze Chatze Glück bringe? Mir danke das übrigens nit, mir WÜSSE das! U wottscht Du üs uf Läbensziit verwöhne? Ja? Soviu Wünsch, gäu? Abr das wär's! Denn müesset mir üs unbedingt lehre chenne. Mir wohne im Moment no z'Moosseedorf/BE, zügge abr gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Bsuechsch Du üs einisch zum Beschnuppere?

Dini zwöi Buebe Max&Moritz



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch